

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» ----- 2016թ.

N-----Ա

**ՈՐՈՇՈՒՄ**

**ՀՈՂԱՄԱՍ ՆՎԻՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 594-րդ հոդվածով, Հայաստանի Հանրապետության կառավարության 2015 թվականի դեկտեմբերի 10-ի հ.1499-Ն որոշման 2-րդ կետի 1-ին ենթակետով՝

**Երևան քաղաքի ավագանին որոշում է.**

1. Երևան քաղաքի Մաշտոցի պողոտային հարող տարածքում գտնվող «Կապույտ մզկիթ»-ի զբաղեցրած և դրա սպասարկման համար անհրաժեշտ 8414.55 քմ մակերեսով հողամասից Երևան համայնքի սեփականություն հանդիսացող 588.75 քմ մակերեսով հողամասը նվիրել Հայաստանի Հանրապետությանը:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ - ՀԻՄՆԱՎՈՐՈՒՄ

### «ՀՈՂԱՄԱՍ ՆՎԻՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայացվող նախագծով նախատեսվում է Երևան համայնքի սեփականություն հանդիսացող Մաշտոցի պողոտային հարող տարածքում գտնվող 588.75 քմ մակերեսով հողամասը նվիրել Հայաստանի Հանրապետությանը:

Հայաստանի Հանրապետության կառավարության 2015 թվականի դեկտեմբերի 10-ի հ.1499-Ա որոշմամբ նախատեսվել է Մաշտոցի պողոտային հարող տարածքում «Կապույտ մզկիթ» («Գյոյ» մզկիթ) պատմության և մշակույթի անշարժ հուշարձանն իր սպասարկման համար անհրաժեշտ հողամասով 99 տարի ժամկետով անհատույց օգտագործման իրավունքով տրամադրել Իրանի Իսլամական Հանրապետությանը:

Մաշտոցի պողոտային հարող տարածքում «Կապույտ մզկիթ» պատմության և մշակույթի անշարժ հուշարձանի փաստացի զբաղեցրած և սպասարկման համար անհրաժեշտ 8414.55 քմ մակերեսով հողամասից 588.75 քմ մակերեսով հողամասը ընդգրկվել է Հայաստանի Հանրապետության կառավարության 2009 թվականի դեկտեմբերի 24-ի հ.1517-Ն որոշմամբ Երևան համայնքին փոխանցված հողերի ցանկում:

Հայաստանի Հանրապետության կառավարության 2015 թվականի դեկտեմբերի 10-ի հ.1499-Ա որոշմամբ Մաշտոցի պողոտային հարող տարածքում «Կապույտ մզկիթ» («Գյոյ» մզկիթ) պատմության և մշակույթի անշարժ հուշարձանն իր սպասարկման համար անհրաժեշտ հողամասով համարվել է Հայաստանի Հանրապետության սեփականությունը և դրա տնօրինման լիազորությունը վերապահվել է Հայաստանի Հանրապետության մշակույթի նախարարությանը: Նույն որոշման 2-րդ կետով առաջարկվել է հուշարձանի զբաղեցրած և դրա սպասարկման համար անհրաժեշտ հողամասի սահմաններում ընդգրկված և Երևանի քաղաքային համայնքի սեփականությունը հանդիսացող հողամասը նվիրել Հայաստանի Հանրապետությանը:

Ներկայումս, Հայաստանի Հանրապետության կառավարության 2015 թվականի դեկտեմբերի 10-ի հ.1499-Ա որոշման կատարումն ապահովելու, ինչպես նաև ՀՀ գործող օրենսդրությամբ սահմանված կարգով «Կապույտ մզկիթ» պատմության և մշակույթի անշարժ հուշարձանի տարածքի նկատմամբ Հայաստանի Հանրապետության սեփականության իրավունքը ձևակերպելու և անհատույց օգտագործման իրավունքով Իրանի Իսլամական Հանրապետությանը փոխանցելու նպատակով անհրաժեշտություն է առաջացել քննարկվող 588.75 քմ մակերեսով հողամասը փոխանցել Հայաստանի Հանրապետությանը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## **Տ Ե Ղ Ե Կ Ա Ն Ք**

**«ՀՈՂԱՄԱՍ ՆՎԻՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ  
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ  
ԱՆՀՐԱԺԵՇՏՈՒԹՅԱՆ ԿԱՄ ԲԱՅԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Հողամաս նվիրելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

## **Տ Ե Ղ Ե Կ Ա Ն Ք**

**«ՀՈՂԱՄԱՍ ՆՎԻՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ  
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ  
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամաս նվիրելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**